



Broj: 05-2299-5/16  
Sarajevo, 10. 06. 2016. godine

Na temelju člana 64. stav (1) tačke b) Zakona o javnim nabavkama („Službeni glasnik BiH“, broj: 39/14, u nastavku: Zakon), člana 70. stav (1), (3) i (6) Zakona, preporuke komisije iz Zapisnika o pregledu i ocjeni ponuda broj: 05-2299-4/16 od 09. 06. 2016. godine i člana 22. Statuta Agencije za bankarstvo Federacije BiH („Službene novine Federacije BiH“, broj: 42/04), direktor Agencije za bankarstvo Federacije BiH donosi

## **ODLUKU**

### **o izboru najpovoljnijeg ponuđača u postupku javne nabavke kancelarijskog materijala za potrebe Agencije za bankarstvo FBiH**

#### **Član 1.**

Prihvata se preporuka komisije za provođenje postupka javne nabavke kancelarijskog materijala za potrebe Agencije za bankarstvo Federacije BiH (u nastavku: Agencija) putem postupka konkurentskog zahtjeva za dostavu ponuda i okvirni sporazum se dodjeljuje ponuđaču EXCLUSIVE d.o.o. Zenica na period od godinu dana od dana obostranog potpisivanja ugovora.

#### **Član 2.**

Ukupna ponuđena cijena okvirnog sporazuma iz člana 1. ove odluke, iznosi 14.800,74 KM, bez poreza na dodanu vrijednost (PDV), što u konačnici, s uračunatim PDV-om, iznosi 17.316,86 KM.

#### **Član 3.**

U skladu s članom 70. stav (6) Zakona, Agencija će objaviti ovu odluku na svojoj internetskoj stranici [www.fba.ba](http://www.fba.ba), istovremeno s upućivanjem iste ponuđačima koji su učestvovali u ovom postupku.

#### **Član 4.**

Ova Odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke, saglasno članu 71. stav (2) Zakona.

## **OBRAZLOŽENJE**

Agencija je pokrenula postupak javne nabavke kancelarijskog materijala Odlukom o pokretanju postupka javne nabavke broj: 05-2299/16 od 27. 05. 2016. godine. Obavještenje o nabavci predmetnih usluga objavljeno je na Portalu javnih nabavki dana 01. 06. 2016. godine pod brojem 3010-7-1-85-3-18/16.

Javna nabavka je provedena putem konkurentskog zahtjeva za dostavu ponuda, uz zaključivanje okvirnog sporazuma s jednim ponuđačem. Kao kriterij za dodjelu ugovora odabrana je najniža cijena tehnički zadovoljavajuće ponude.

U skladu s Obavještenjem o nabavci i tenderskom dokumentacijom (u nastavku: TD), javno otvaranje ponuda obavljeno je u poslovnim prostorijama Agencije u Sarajevu, Zmaja od Bosne 47b, što je evidentirano u Zapisniku o otvaranju ponuda, broj: 05-2299-3/16 od 08. 06. 2016. godine, u kojem je konstatovano da su ponude po ovom predmetu nabavke podnijeli ponuđači: PRIMAPROM d.o.o. Banja Luka, PULSE DESIGN d.o.o. Banja Luka i EXCLUSIVE d.o.o. Zenica.



U skladu s utvrđenom procedurom, saglasno članu 65. Zakona, komisija je izvršila pregled i ocjenu ponuda navedenih ponuđača, te na osnovu izvršene analize istih, u ponudi ponuđača PRIMAPROM d.o.o. Banja Luka ustanovila sljedeće nepravilnosti:

- Ispravke u ponudi vršene su korektorom, na način da nisu vidljivi ispravljeni podaci, što je u suprotnosti s članom 18. stav (1) tačke m) Uputstva za pripremu modela tenderske dokumentacije i ponuda („Službeni glasnik BiH“, broj 90/14) i poglavljem IV. tačke 14) TD. Ispravke u ponudi trebaju biti urađene na način da su vidljive, potvrđene potpisom ponuđača i s datumom izvršene ispravke.

Slijedom navedenog, komisija je predložila da se ponuda navedenog ponuđača odbije, u skladu s članom 68. stav (4) tačke i) Zakona.

Ponude ponuđača PULSE DESIGN d.o.o. Banja Luka i EXCLUSIVE d.o.o. Zenica, su prihvatljive i ispunjavaju zadane uslove iz TD.

	Naziv/ime ponuđača	Ukupna cijena (bez PDV-om)	Ukupna cijena (s PDV-om)
1.	EXCLUSIVE d.o.o. Zenica	14.800,74 KM	17.316,86 KM
2.	PULSE DESIGN d.o.o. Banja Luka	15.746,60 KM	18.423,64 KM

U vezi s navedenim, primjenjujući kriterij najniže cijene, a saglasno članu 69. stav (1) tačke a) Zakona, komisija je jednoglasno predložila da se okvirni sporazum u postupku javne nabavke kancelarijskog materijala dodijeli ponuđaču EXCLUSIVE d.o.o. Zenica, što je evidentirano u Zapisniku o pregledu i ocjeni ponuda, broj i datum iz uvodnog dijela ove odluke.

Uvažavajući navedeno, direktor Agencije prihvatio je prijedlog komisije te donio Odluku kao u dispozitivu.

#### **POUKA O PRAVNOM LIJEKU:**

Protiv ove Odluke može se izjaviti žalba u roku od 5 (pet) dana od dana prijema ove Odluke.

Žalba se izjavljuje Ugovornom organu – Agenciji za bankarstvo Federacije BiH u pisanoj formi, direktno, elektronskim putem ili preporučenom poštanskom pošiljkom. Žalbu je potrebno podnijeti u dovoljnom broju primjeraka koji ne može biti manji od 3 (tri).



Dostaviti:

- svim učesnicima u postupku
- a.a.